

中國方志叢書・華中地方・第八三〇號

據

清・孟昭等修，黃祐等纂
清乾隆二十四年刊本

影印

江 西 省

建昌府志



成文出版社有限公司印行

建昌府志卷十二

郵政考

積貯

蠲免

養育

民爲邦本食乃民天

國家監古定制常平與社倉兼設而蠲租曠典昔代施于荒歉之域者今則通行資免頻見于重熙累洽之餘真萬世一時也民生其間食舊德服先疇敦本務樸勉爲良善則所以仰承渥澤者永永無極矣若夫扶衰卹疾養少存孤皆發政所必先者是用備書以彰郵政

積貯

積貯之法昉於李悝平糴至漢耿壽昌立常平而制大備迄於今不廢宋嘉祐二年詔天下置廣惠倉南渡後復立常

平義倉乾道四年朱熹作社倉于崇安縣之開耀鄉淳熙
辛丑熹條上其說孝宗頒諸四方南城人吳伸與其弟倫
奉詔捐穀四千斛建大厰名東坪社倉其出納條約視崇
安加詳密焉故考建昌積貯當自宋始元制舊志失載明
洪武元年詔天下郡縣立豫備倉官糴官貯仍擇里中高
年殷實者董其事建昌知府余芳始建豐盈倉於郡治南
尋移貯西街四屬縣建豫備倉各五一在城東西南北鄉
凡四其穀數舊志無考正統中詔民出粟備荒自千石至
二千石以上者降勅獎賞遣使勞其家仍免本戶雜役三
年時新城人江岳保出穀千石立義倉受勅獎建勅書樓
景泰四年新城程伯清亦出穀六百石有司請旌成化二

十年置常平義倉知府秦夔謀於同知曹奎通判傅賢推官陳易南城知縣余濟悉出庫藏易穀得穀三萬餘石視舊儲加三之一卜地城東學宮西偏建大倉貯之於是南城倉儲遂甲他邑二十三年新城人楊振邦同子嵩先後捐穀六百石貯社程正宗捐穀千石知縣段敏旌其廬弘治十年詔州縣儲粟每五十里積穀三萬石十六年巡撫林俊奏募民納銀買粟投散官願立義坊者出銀二百兩其法亦官糴官貯每十里建一倉積穀萬石名曰常平又勸民自立義倉春借秋還轉相賙卹其時建昌四邑納銀輸穀成數書無明文正德十一年南城源頭人吳昱吳燭請復伊祖東坪社倉邑令孫甫爲申狀巡撫扁其倉曰崇

古惠民嘉靖中侍郎王廷相言脩荒之政莫善於古之義倉宜貯之里社定爲規式一村之中約二三百家爲一會會月一舉分別上中下戶捐粟多寡貯於倉而推有德者爲社長善處事能會計者副焉凶歲計戶而散給貸悉聽于民時建昌四縣各有施設而新城義倉尤多徵君鄧元錫建倉縣南積穀至數千石邑紳王祿建倉十三都鄧榆璩祐楊昇各出穀六百石脩賑璩祐又獨立倉於二十一都出穀千石歲貸貧民不取息更捐倉前田十八畝以贖掌守者使毋侵利隆慶二年御史議州縣各立社倉南城人黃鵬出穀千石建潭頭倉侍郎羅玘建永濟倉於磁甌萬歷四年南城黃沂建青麻義倉自捐穀六百石邱宏文

公誨建邱氏義倉兄弟出穀一千二百石同時潘曉山率族衆建分水倉積穀千石潘維銓記蕭紀等率衆建北門義倉何源何科何稷等建何氏倉知府許孚遠記時瀘溪新立縣九年瀘溪知縣陳王廷建豫脩倉十五年南豐知縣程三省改建豫脩倉于泰將廢置十六年廣昌知縣于世德勸民納粟實倉立社長社副社傑董理歉散熟取二十五年南豐知縣竊端鯉作社名于社學後實粟一千一百石有奇其法樂歲收息加二大社原斗抵還豐邑之有社倉自竊侯始崇禎末天下游橫長吏議賑不一甲申後一切倉儲鞠爲茂草

國朝康熙十年令天下府州縣修豫脩倉行常平古法三十

年南豐縣復建豫脩倉于縣治十字街之東易名常平
今所

雍正三年奉

諭古者視一歲之上中爲儲蓄積之於豐年散之於歉歲有
備無患法良而意美朕自臨御以來宵旰勤求無刻不以民
依爲念乃重農積穀之詔屢下而閭閻卒少蓋藏官倉亦多
虧缺茲據江南浙江江西等十餘省督撫報稱今歲收成入
九十分不等朕覽奏不勝慰悅重爲吾民計長久該督撫
可轉飭有司徧行曉諭務須撙節愛惜各留有餘爲他年緩
急之需至於社倉之法亦宜趲此豐年努力爲之於是建昌
五縣常平額穀外復有社倉貯穀冬寒不食維時民間任

卹成風捐租輸粟創立義倉者所在多有如新城之鍾溪
魯氏陳氏廣昌之珠溪魏氏南豐城東之趙氏澤溪之胡
氏其較著也今乾隆二十三年巡撫阿公仰體

皇上肅康至意行文各府州縣增廣社穀民出粟二百石以上
者許請給冠帶大小有差建昌知府孟昭率屬勸導五縣
各增穀二三千石不等民生此時可謂樂樂利利幾無無
告窮民矣顧歷考建昌積貯自宋迄今八百餘年中間有
豫脩有常平有城關社倉有鄉都義倉名號不一經制亦
殊然而貯穀於縣遠鄉無沾被之民貯穀於鄉未免有疎
虞之患官出官入胥吏百弊叢生民放民收社長得人
不易所賴親民之長悉心籌畫慎簡善長毋勒民以必捐毋

張民以必借毋以申報為具文毋以借給為故事務使部
屋茅簷咸沾實惠於

皇上愛民如傷之意庶有當焉所有貯府貯縣實在穀數備書

於左

建昌府豐盈倉額穀四千石
舍版舊在永豐坊明初知府余芳建後移西街國朝乾隆十

年知府楊弘志改建府署西偏

五縣常平倉

南城縣額穀二萬石
倉版一在西街經歷署前一在門樓嶺舊天主堂一在縣署西偏其前代

五倉一在城東隅口中倉一在硝石曰東倉一在十四都孝子堂側曰西倉一在二十三都雲蓋市曰南倉一在今

源溪縣地曰北倉供廢

白鹿縣額穀一萬六千石
倉版一在縣治東康熙三十知縣郎應寶建一在縣大堂

其前代六倉一在通濟橋東曰中倉一在大都北曰南倉一
倉一在六都密埠口西倉一在三十六都水北曰南倉一
在五都官塘曰北倉俱廢一在學宮左至元間達魯花赤
抄兒建曰豐儲倉永樂間知縣清曰增修正德間寇燬其
基併入學宮
今為明倫堂

新城縣額穀一萬六千石
倉廢一在城內東坊一在城隍

四十四年知縣張發建一在縣堂東馬號前乾隆元年知

縣邵鴻元建九年知縣徐振修脩一在縣署西永玉堂前

乾隆十年知縣陳村建其前代六倉性在東坊者曰中倉

今存一在四十都曰東倉一在五十三都曰西倉一在三

都曰南倉一在八都曰北倉俱廢一在

城內廣昭寺前口大有倉今廢一在

廣昌縣額穀一萬六千石
倉廢一在南關城內曰預脩倉

糧署倉乾隆元年知縣黃允肅建一在縣署大門內曰大

有倉又東中西三倉在大有倉南其前代六倉惟南關城

下預脩倉今存一在南里曰東倉一在西隅龍岡前曰

西倉一在監南里曰南倉一在東隅曰北倉一在北隅曰

太盈倉

俱久廢

廬溪縣額穀一萬二千石

倉廩一在縣署一在桐埠南水次一在龍蔭北水次一在麾下

五縣社倉

南城縣貯社穀一萬一千三十五石六斗八升

南豐縣貯社穀五千一百二十三石七斗三升

新城縣貯社穀一千九百六十九石一斗二升

廣昌縣貯社穀四千八百一十石一斗一升

廬溪縣貯社穀二千四百七十七石六斗三升

蠲免

康熙四十五年奉

旨直隸山東積欠錢糧今年俱已蠲免其山西陝西甘肅江蘇

安徽浙江江西湖北湖南福建廣東各省自康熙四十三年

以前未完地丁銀二百一十二萬二千七百兩有奇糧十萬五千七百石有奇按數通行豁免欽此

康熙五十一年奉

旨天下地丁錢糧自五十年爲始三年之內全免一別除直隸奉天浙江福建廣東廣西四川雲南貴州山西河南陝西甘肅湖北湖南各直省于康熙五十年五十二年蠲免外所有江寧安徽山東江西各撫撫除漕項外五十二年應徵地畝銀共八百八十二萬九千六百四十四兩有奇人丁銀共一百三萬五千三百二十五兩有奇俱著察明全欠其歷年積欠銀二百四十八萬三千八百二十八兩有奇亦並著免徵各該督撫務須實心奉行體朕軫念民生至意欽此

康熙五十六年奉

旨將直隸安徽江蘇浙江江西湖廣西安甘肅等八處帶徵地
丁屯衛銀二百三十九萬八千三百八十兩有奇概免徵收
俾民間均沾實惠欽此

乾隆十年大

上諭我朝

列聖相承深仁厚澤無時不加意培養元元以期家給人足

皇祖在位六十一年蠲租賜復之詔史不勝書又曾特頒諭旨將
天下錢糧普免一次我

皇考宵衣旰食勤求民瘼無日不下減賦寬征之令如甘肅一省
正賦全行豁免者十有餘年此中外所共知者以繼志述

之心際重熙累洽之候欲使海澨山陬一民一物無不
沾大澤爲是特降諭旨將乾隆丙寅年直省應徵錢糧通行
蠲免其如何辦理之處着大學士會同該部即速定議具奏
欽此

嗣奉部文江西
于十三年蠲免

養育

雍正二年奉

上諭順天府府尹等京師廣寧門外向有普濟堂凡老疾無依
之人每棲息于此司其事者樂善不倦殊爲可嘉

聖祖仁皇帝曾賜額立碑以旌好義爾等均有地方之責宜時
加獎勵以鼓舞之但年力尙壯及不好閒之人不得借名
混入以長浮情而生事端又聞門內有育嬰堂一區凡

孩穉之不能育養者收留于此數十年來成立者頗衆夫養
少存孤載于月令與扶衰卹老同一善舉朕心嘉悅特頒匾
額並賜白金爾等其宣示朕懷並倡率資助之益加鼓勵再
行文各省督撫轉飭有司勸募好善之人於通都大邑人煙
稠集之處皆可照京師之例行之其於字弱恤孤之道似有
裨益而凡人怵惕惻隱之心亦可感發而興起也特諭

普濟堂

南城縣設在北關外萬壽宮側乾隆九年知府楊弼志倡
建爲楹二十四置買租田四百三十九石一斗二升又開
墾及捐助租田七十八石二斗零又邱建助濠租錢二千
三百五十五文收養災獨無告之民日給米一升錢五文
歲給布衣病遣醫療治死給棺具外建女普濟
堂一所在府城隍廟側。新城縣設在大北門

普濟堂

南豐縣設在府城隍廟左側。南豐縣舊在城內上。縣治西南門城下。新城縣設在大北門外。瀘溪縣建撥田租三十石資養贍又邱來鶴捐租二石黃允石盧心錦妻石氏捐租二石魏焯捐租一石共成六石

義濟院

南豐縣設在南門外清修觀前。新城縣設在小北

門內。廣昌縣設在大覺寺前。瀘溪縣設在北城司前

義塚

宋名漏澤園

南城縣一十七所

一在北門陳家山一在北門熊家山一在南門寒瀆閣下一在一都陳家山一

在十八都覆船岡以上明嘉靖三十八年知府陳立一

在三十四都官家洲一在三十四都赤子山一在三十四

都楊家山一在三十四都丁家山一在北門遺道山一在

十都楊梅姑一在北門胡婆山以上生員王政施一在五

十五都禾雀亭一在三都豬肝山一在十八都覆盆洲

家洲一在十五都鶴嘴嶺一在十八都覆盆洲

南豐縣九

一在都教場右一在七都風岩一在二都武觀

壇北一在黃家莊一在七都舊山川壇後一在

六都儲家山在十西都彭家峰一在三十六都水

北一在三十五都馬鞍寨其餘各都官山皆可塋

新城縣二一在東門外金斗窠

廣昌縣四一在西湖隅倪偏畛一在北隅饅頭嶺一在東隅郭家巷

瀘溪縣一在南關外聖功嶺凡屬官山聽人採塋